



Retningslinjer for tilskot til frivillig kulturarbeid i Selje kommune

Innhold

1.1 Generelt.....	3
1.2 Ordinære kulturmidlar (driftstilskot):	3
1.3 Selje kommune sin Kulturpris:	4
1.4 Ungdommens kulturpris:	5
1.5 Tilskot til idrettsorganisasjonar:.....	6
1.6 Tilskot til aktivitetar til barn og unge (til disposisjon for Ungdomsrådet):	6
1.7 Prosjekt- og arrangementstilskot:.....	6
Prosjekttilskot:	6
Arrangementstilskot:.....	6

1.1 Generelt

Kommuneplanen sin samfunnsdel:

I Selje kommune sin kommuneplan, samfunnsdelen, er kultur og samhandling med frivillige lag og organisasjonar eitt av dei tverrfaglege tema som er integrert i alle område i samfunnsdelen.

Selje kommune skal støtte opp under dugnadsbasert innsats, med følgjande mål under Leve og bu i Selje:

Det skal vere attraktivt å busetje seg i Selje kommune!

I Selje kommune skal vi ha levande bygder der folketalet veks gjennom målretta innsats for omdømebygging og god infrastruktur.

Kommunale tilskot:

Selje kommunestyre set årleg av midlar med det mål å bidra til å fremje eit aktivt og allsidig kulturliv i tråd med kommunen sine målsetjingar. Spesielt prioritert er aktivitetar for barn og unge, og aktivitet spesielt tilrettelagt for personar med spesielle behov.

1.2 Ordinære kulturmidlar (driftstilskot):

Fastsetjing av kulturmidlar:

Kommunestyret fastset ramma for dei årlege kulturmidlane (driftstilskot til lag og organisasjonar), som skal delast ut som tilskot til

- Idrettsorganisasjonar
- Song og musikkorganisasjonar
- Andre lag og organisasjonar.

Kunngjering/søknad:

Dei ordinære kulturmidlane (driftstilskot) blir tildelt 1 gong i året – og fortrinnsvis på våren.

Midlane med søknadsfrist blir lyst ut i lokalavisa og på kommunen si heimeside og Facebookside.

Søknad skal leverast elektronisk innan den fastsette fristen. Det er krav om at all informasjon skal vere utfylt i skjema før søknaden vert godkjent.

Fordeling/vilkår for tildeling av kulturmidlar (driftstilskot):

Fordelinga av tilskotet til det enkelte lag og organisasjon, blir gjort administrativt etter følgjande reglar:

- Laget må ha eit styre, betalande medlemmer og føre eige rekneskap (rekneskap må kunne leggjast fram på førespurnad)
- Det er hovudlaget som søkjer og fordeler innan eigen organisasjon.
- Søknaden skal vere levert elektronisk innan fristen (som blir annonsert)
- Lag og organisasjonar som aktiviserer barn, unge og funksjonshemma, vert prioritert.
- Løyvinga blir relatert til tal aktive medlemmer, og søkjarane må på oppmoding kunne leggje fram medlemsliste med registrerte medlemmer der medlemskontingent er betalt.
- Minimumløyving er kr. 1 000,- til kvar søkjar (så lenge avsett ramme tillet det)
- Unnateke frå stønad:
 - Lag som primært tek vare på dei yrkesmessige og økonomiske interessene til medlemmene.
 - Politiske parti (inkludert ungdomsorganisasjonar)
 - Statlege, fylkeskommunale og kommunale institusjonar/anlegg
 - Organisasjonar og personar utan direkte forankring i Selje kommune
 - Organisasjonar der ein viktig del av verksemda er å samle inn til andre formål
 - Andre interesseorganisasjonar (td. organisasjonar som er skipa ut i frå ein sjukdom eller lyte)
- Der laget har eit overordna råd (td. Selje idrettsråd) skal desse ha saka til uttale før endeleg fordeling blir gjort.

Tildeling/utbetaling:

- Vedtak om tildeling av kulturmidlar blir sendt den som står som søkjar av midlane.
- Vedtaket er eit enkeltvedtak som kan klagast på etter reglane i forvaltningslova.
- Tildelte midlar blir innan 1 måned utbetalt til det kontonummer som står oppgjeve i søknaden.

1.3 Selje kommune sin Kulturpris:

Fastsetjing/tildeling av kulturprisen:

- Kommunestyret fastset den økonomiske ramma på kulturprisen i samband med årsbudsjettet.
- Kulturprisen er sett saman av ein statue av Sunniva på ein slipa stein med skilt og ein diplom med grunngjeving, underteikna av ordførar.
- Enkeltpersonar, grupper eller organisasjonar blir oppmoda gjennom lokalavisa og på Selje kommune si heimeside/Facebookside å kome med godt grunngjevne forslag til kandidatar.
- Formannskapet tildeler prisen etter tilråding frå ein jury bestående av leiar av formannskapet og to representantar frå formannskapet og ein frå administrasjonen.

Tilrådinga skal vere grunngeven. Tildelinga av kulturprisen blir offentleg når formannskapet har treft vedtak i saka.

- Kulturprisen blir utdelt i samband med det siste kommunestyremøtet før jul.

Kriteria for tildeling av kulturprisen:

- Kulturprisen skal vere ein heider til mottakar og ei støtte for arbeidet med kunstnarleg og kulturell verksemd i kommunen.
- Kulturprisen skal gjevast til personar eller institusjonar heimehøyrande i Selje kommune.
- Kulturprisen kan gjevast til ein person, eller i særlege høve delast mellom fleire personar eller institusjonar.
- Dersom Kulturprisen ikkje blir delt ut eitt år, kan beløpet nyttast til andre kulturformål.

1.4 Ungdommens kulturpris:

Fastsetjing/tildeling av kulturprisen:

- Kommunestyret fastset storleiken på kulturprisen i samband med årsbudsjettet.
- Ungdomens kulturpris er sett saman av ein pengesum, blomster og eit synleg symbol i form av ein diplom underteikna av ordførar og leiar for Ungdomsrådet.
- Enkeltpersonar, grupper eller organisasjonar blir oppmoda gjennom lokalavisa og på Selje kommune si heimeside/Facebookside å kome med godt grunngevene forslag til kandidatar. Forslag kan sendast inn heile året, men seinast innan den fristen som kjem fram i utlysinga.
- Formannskapet tildeler prisen etter tilråding frå ein jury sett saman av leiar av formannskapet, tre representantar frå ungdomsrådet og ein frå administrasjonen. Tilrådinga skal vere grunngeven. Tildelinga av kulturprisen blir offentleg når formannskapet har treft vedtak i saka.
- Ungdommens kulturpris blir utdelt i samband med det siste kommunestyremøtet før jul.

Kriteria for tildeling av kulturprisen:

- Ungdomens kulturpris skal stimulere til vidare satsing, og skal vere med å dekkje utgifter i samband med konkurransar, samlingar, utdanning eller andre oppgåver.
- Mottakar av Ungdomens kulturpris må vere under 25 år. For grupper må gjennomsnittsalderen ikkje vere over 25 år.
- Ungdomens kulturpris skal gjevast til personar eller institusjonar heimehøyrande i Selje kommune.
- Ungdomens kulturpris kan tildelast ein utøvar, delast på fleire kandidatar, ei gruppe av utøvarar eller til ein ungdomsleiar som har oppnådd ein prestasjon, eit resultat eller eit nivå som er utanom det vanlege innan kulturlivet i kommunen.

- Dersom Ungdomens kulturpris ikkje blir delt ut eitt år, kan beløpet nyttast til andre kulturformål.

1.5 Tilskot til idrettsorganisasjonar:

Faste årlege tilskot er egne vedtak i Selje kommunestyre, og midlane er sett av i Selje kommune sitt årsbudsjett.

Midlane blir utbetalt snarast etter årsbudsjettet er vedteke.

1.6 Tilskot til aktivitetar til barn og unge (til disposisjon for Ungdomsrådet):

Ungdomsrådet har årleg ein sum av årets løyving til disposisjon til ulike tiltak knytt til barn og unge. Søknader blir handsama fortløpande.

1.7 Prosjekt- og arrangementstilskot:

Prosjekttilskot:

Dette kan vere festivalar, turneringar, utviklingsprosjekt, leiaropplæring, fleirkulturelt mangfald, medietiltak og kulturminnevern.

Arrangementstilskot:

Alle typar kulturarrangement som kunngjerast og er opne for alle. Eventuelt tilskot blir i slike saker gitt som underskotsgaranti.

Felles:

Det er ikkje sett av egne midlar til slike tiltak i Selje kommune sitt budsjett utover det som er til disposisjon for Ungdomsrådet, og kvar søknad må vurderast i kvart enkelt tilfelle.

Søknader som omhandlar barn og unge går til Ungdomsrådet som tilrår/behandlar søknadene etter sine egne retningslinjer. Andre søknader blir handsama av kommunestyret sjølv. Selje kommune sin økonomiske situasjon vil vere avgjerande for om slike tilskot kan gjevast.

Til arrangement skal støtte fortrinnsvis gjevast som underskotsgaranti.

Tilskot/underskotsgaranti blir utbetalt/innfridd etter at tiltaket er gjennomført og rekneskap levert Selje kommune.

Det skal søkjast før prosjektet skal gjennomførast/arrangementet blir halde. Slike søknader blir handsama gjennom heile året, men må gjelde tiltak som ein ikkje med rimelegheit kan vente er søkt om og handsama i samband med Selje kommune sitt årsbudsjett.

Søknader blir utgreidd og lagt fram for politisk handsaming utan tilråding til formannskapet. Kommunestyret tek avgjerd i saker der det er positiv tilråding frå utvalet. Det er ikkje klageadgang i slike saker.

I dei tilfelle det er sett av egne budsjettmidlar til slike tiltak, kan ein administrativt tildele midlar inntil kr. 5.000,- .